

I yu'xarij ti hua'puaj a'íin ti jo'yú'xaca' i San Pablo tí'ij i Timoteo huata'ítyi'

Pablo pu jatyojtye'

1 ¹Nyáaj Pablo, i nyaj jahuiire' i Ciriístu', Dios pu juxié'vi'ra' jin na'antyíhuoj, a'íjna jime' i ti a'yan tya'tóoratziiri' ti taatá'an tyaj júurij tá'ra'nyij jusén jime' jamuán i Ciriístu' ti Jesús pu'éen, ²a'yaa nu ya tyí'muatyojtye' muéetzij Timoteo mu paj nyiyóoj pu'éen. Che' i Dios ajta i Ciriístu' ti tavástará' pu'éen, miche' a'íin tyámua' tyimuáacha'íin, majta muá'ancu'vaxi'in mej mij tyámua' tyimuaatyápuar'itye'en mua' tzajta'.

Tyu'taxájtaj a'íjci jitze ma'can i Ciriístu'

³A'náj tina'aj nu mua'tamuá're'rii nyati'ijta jahuoocaj, tújca na'ríij tíca', a'yaa nu tyé'tyojtzire' i Dios, i nyaj jimí tyámua' éenye'ej tyí'huire', a'yájna mati'ij majta tyí'huiriia'ca'aj i nyahuásimua'ci'ij. ⁴A'náj tina'aj nu mua'tamuá're'rii i paj acá'yi'nyaj, a'íj nu jin a'yan tyá'xie've' nyaj muaaséj, nyej nyij huatányetyamua've'en. ⁵Ji'nye a'yaa nu tyá'mua'reej paj tzáahuatyira'aj jin tyá'tzaahuatye'. Anaquééj pu a'yáacuari' Loida tyá'antzaahuaj ajta a' nánaj Eunice, a'yaa nu nyij nyajta tyámua' naa tyá'mua'reej paj a'yan cha'taj pana'aj muáj tyá'tzaahuatye'.

⁶A'íj nu jin a'yan tyí'mua'ixaatye' paj quee jatyáxa'huata'an je'ej ti i Dios tyimuaatá' nyati'ij mua'vá'muariej i nyamuáca' jime'. ⁷Ji'nye capu i Dios a'íjna jin ju júuricamej taatá' tyej tyij tyí'tzi'nye'ej, sulu tyej tyij a'íjci jitze arátaca'nyej, tyej tyij tyajta huoxié've'en, tyajta tyámua' metyityoomuámua're'ej. ⁸Capáj atyevi'ra'aj paj tyámua' tyihuó'ixaatye'en i tye'ityee jitzán ma'can i tavástará', capáj pajta atyevi'ra'aj nyajíme' a'íjna jime' nyaj námi'. Sulu a'íj paj jitze je'ej ti i Dios tyimuaatá' pajta a'íjna jime' i paj jaxaamu'jitye' pej mij jéetze' jáanamuj i nyúucaria'ra' i Dios. ⁹Dios pu tajapuá huatanyúj ajta taatájé tyej tyij jitzán ajtyama'cáantaj tá'ra'nyij, capu a'íjna jime' tajapuá huatanyúj je'ej tyaj tyi'tíj huáruuj, sulu a'yaa pu arí anaquééj

tyaaxá'pui'intaria'ca'aj, ajta a'yan tyí'taxie'va'ca'aj jájcuaj imuáj, a'ájna jitze ma'can i Ciriístu' ti ajta Jesús pué'een. ¹⁰A'ájna i ti jin taaxié'vej ijíij pu arí huataséjre a'ájna jitze ma'can i Ciriístu' ti ajta Jesús pué'een, a'íi pu ja'antyipuá'rij i maj jin cui'caa, ajta i junyúucaa jin taataséjra i tyaj jin júurij tá'ju'un jusén jime'.

¹¹Dios pu na'antyíhuoj nyej nyij huo'té'exaatye'en i tyeítyee i nyúucaria'ra', ajta nyej nyij jimi tyu'tyáhuuie'en, nyajta tyihuó'mua'tyej. ¹²A'áj nu jin nyáaj a'yan tya'ajpuéjtzij. Ajta canu nyetyevi'ra' a'ájna jime', ji'nye nyáaj nu jamua'reej a'táj nyaj jitzán tyí'ca'nyej, nyajta a'yan tyá'mua'reej ti a'yan tyinaatá'sij a'ájna xicáara' jitze je'ej ti tyi'táj nye jimi tya'táraj.

¹³A'yaa paj huárinyij pajta a'yan tyihuó'mua'tyej je'ej paj tyi'táj tya'ancuriáa' nyéetzij jimi, pajta a'yan tyu'mé'en je'ej tyej tyá'tzaahuatye', pahua'xié've'ej a'yájna ti'ij i Ciriístu' tyitaaxié'vej ityájma. ¹⁴A'íi pu muaatáhuuie're'ej i júuricama'ra' i Dios i ti tatzájta' séejre', tyámua' paj tyéecha'iin je'ej ti tyi'táj jin tyimua'antyíhuoo.

¹⁵A'yájna pati'ij períj tyá'mua'reej, néijmi'i i maj Asia ja'chej a'íi mu manúuriej, a'íi mu hua' jitze ajtyáma'can i Figelo, ajta i Hermógenes. ¹⁶Che' i tavástara' hua'ancu'vajxi'in i tyeítyeristyamua'me'en a'ájci i Onesíforo, ji'nye jéehua pu yetyinyavá'tuiiri' i nyaj jin huarúj, ajta quee jaatatyévi'rastej nyaj eetyánami'huaj. ¹⁷Ajta ti'ij i Onesíforo a'áa ja'ráaj a Roma, a'íi pu huatyóochej ti náahuoonyij 'asta na'aj quee náatyoj. ¹⁸Che' i tavástara' jéehua ja'ancu'vaxi'in a'ájna xicáara' ti jitzán uvé'nyesij. Muáaj paj tyámua' tyá'mua'reej ti taatáhuu i a'ájna a Éfeso.

Síij ti a'yan tyá'huuie' ti'ij xantáaru' a'ájci i Ciriístu'

2 ¹Pajta muáaj nyiyóoj, pata'aj huatyá'ca'nyej a'tzájta' a'ájna jime' je'ej ti i Dios tyimuaataséjra a'ájci jitze ma'can i Ciriístu' ti ajta Jesús pué'een. ²Je'ej paj períj nyéetzij tyinánamujri' nyaj a'yan tyihuó'ixaaj i tyeítyee, a'yaa paj tyihuó'íjcatye'en a'íijma i tyétyacaa i paj hua' jitze tyí'ca'nyej mej mij majta a'yan tyihuó'mua'tyej i séecan.

³Pata'aj tajamuán tyo'táviicue' a'ájci jime' i paj jajpuéetzij ti'ij i xantáaru' ti tyí'huuie' jimi i Ciriístu' ti ajta Jesús pué'een. ⁴Capu síij xantáaru' a'yan ricij je'ej ti jusíij tyá'xie've' tyi'táj jime', ji'nye a'yaa pu jitzán tyúuxie've' ti tyámua' tyu'tyá'itzeere'en a'ájci jimi i ti tyé'ijtye'. ⁵A'yaa pu ajta tyí'een a'íimaj jimi i maj hua'ajcacia, a'ájna i ti huajcaj capu tyi'táj mue'tin, tipua'aj quee a'yan tyu'tatyése'en je'ej ti tyi'huóoxie've'. ⁶A'ájna i tyí'muijhuacaa i juchuéj japua, a'yaa pu tyu'táci'pej ti a'íin anaquéj tya'ancuriáan i ti tyú'ciityej. ⁷A'íj paj jitze tyú'mua'tyij je'ej nyaj tyí'mua'ixaatye', ji'nye i tavástara' pu muaatá'sij pej pij tyámua' tyiyo'itéj puá'ra'nyij.

⁸Ootámua'reej a'ájci i Ciriístu', i ti huatájuuriaca' a'íj ti jitze eeráma'can i David, a'íi pu a'íin pué'een i nyúucarij i nyaj

huá'ixaatye'. ⁹A'íj nu jin néijmi'i tyé'viicue' i nyaj jajpuéjtzij, nyajta eetyánami' tí'íj síj ti tyí'tyacui'caa, ajta i nyúucaria'ra' i Dios i nyaj jaxaj capu eetyánami'. ¹⁰A'íj nu jin néijmi'i tyo'táviicue'ri' néijmi'caa jimi i Dios ti hua'antyíhuoj, tí'íj ajta a'íjma huáhuire'en ajta i Ciríistu' ti ajta Jesús pué'een hui'rátoonyij, mej mij jusén jin jimi séjria'aj.

¹¹A'íjna pu a'yan tyi'ji'récán jime' ti a'yan tíjin:

Tipua'aj jamuán táacui'nyij, jamuán tu tyajta júurij ta'mej,
¹²tipua'aj tyetyo'táviicue' i tyaj jajpuéjtzij, jamuán tu tyajta tyu'ta'íjtaj,

tipua'aj tyeetyáhue'taj, a'íi pu ajta ityájma taatyáhue'taj,

¹³tipua'aj tyequée tyámua' tyi'tyítacha'íij, a'íi pu a'náj tina'aj tyámua' éenye'ej ta'mej,

ji'nye capu i'ríj ti jusíj huatyóohue'taj.

Je'ej ti ye'ej tyi'tyúucha'íij a'íjna i Timoteo

¹⁴Huo'támua'ree i séecan pajta i Dios jimi huo'tyátoonyij, mej mij quee jujfímua'aj je'ej pua'aj tyúujeevej. Capu tyi'tíj huiire', a'yaa pu'uj je'ej pua'aj huá'uurej a'íjma i maj janamuj. ¹⁵A'yaa paj jéehua tyí'tyese'ej paj a'yan tyu'tá'sejrataj i Dios jimi, tí'íj síj i maj a'yan tyaataxájtaca' tíjin xá'pui' pu huaríj, tí'íj síj ti tyí'muijhuacaa tiquee tyi'tíj jin jutyevi'ra', ajta a'yan tyámua' tyihuá'mua'tyej a'íjci i nyúucarij ti a'yan tyi'ja'yájna. ¹⁶Capáj janamujra a'íjci i nyúucarij tiquee je'ej huatóomua'aj, ajta quee tyi'tíj xaj, ji'nye a'íimaj i maj a'yan tyí'xaj, jéetze' mu je'ej pua'aj tyityetyúucha'íj, ¹⁷ajta je'ej maj tyihuá'mua'tyej jéehua pu je'ej pua'aj tyú'uurej. A'yaa pu tyí'ricij a'íjma jimi i Himeneo ajta i Fileto, ¹⁸i maj meríj a'yan tyitya'ajtacíj i nyúucarij jitze ti a'yan tyi'ja'yájna, a'yan metyi'xáataj tíjin muríj huatájuuriaca' i mui'chítyee, a'yaa mu mij meríj séecan tye'entyí'uunyi'ri' je'ej maj tyá'tzaahuatye'. ¹⁹Ajta i Dios a'yan tyi'tíj huáruuj, tyej tyij jitzán arátaca'nyej, ajta jitzán a'yan tyé'yu'si' tíjin: Tavástara' pu huá'muajtyej i maj jitzán ajtyáma'can"; ajta a'yan tíjin: "Néijmi'i i maj já'astijre' i tavástara', miche' ajtáciiñeyej a'íjci jitze i ti je'ej pua'aj een."

²⁰I chí'ij tzajta' ti ve'ej, capu a'íi na'aj tyó'sejre' i ooroj ti jin tyí'taavijhua nusu i pláataj jime', sulu ajta pu tyó'sejre' i ciyéj ti jin tyí'taavijhua, ajta xaríj jime', séecan pu a'yan tyí'huiire' matí'íj tyí'ye'estyaj, ajta séecan cha'na'aj pu'uj tyi'tíj jin tyí'huiire'. ²¹Tipua'aj a'tíj a'yan eenye' tiquee tyi'tíj jin á'itzeeria'aj, tyámua' pu séeria'aj ta'mej, ajta jéehua tyu'tyáhuire'sij i tavástara' jimi, néijmi'i jime' i ti xá'pui' een.

²²Pata'aj quee a'yan rijcaj je'ej maj tyityetyúucha'íj i maj tyáamua, pata'aj jáahuoonij i ti naa een, i paj jitzán tyá'tzaahuatye', pajta

tyámua' eenye' a'tzájta' a'íjma jamuán i maj tyámua' tyá'tzaahuatye' i tavástará' jimi. ²³Capáj huá'astyaj i maj cha'mana'aj tyí'xaj, papu'ríj jamua'reej ti a'yan na'aj tyí'huíire' maj a'íj jin tyúunyo'si'tye'en i tyeétyee. ²⁴Ajta síij ti tavástará' jimi tyí'huíire' capu a'yan tye'tyévijtye' ti a'yan éenye'que' jo'cha'canye'en, sulu che' tyámua' tyi'tyúucha'íj néijmi'caa jimi. Ajta jaayí'tihua'an ti tyihuó'mua'tyej, ajta quee nyu'camui'íj tyo'táviicue' ²⁵ajta quee ootzáahuatye'ej tyámua' huó'uurej a'íjma i maj quee tyihuojó'itej, ajta tyi'íjchó've'ej ti i Dios huotá'an mej mij seequéj tyú'mua'tyij, majta jáamua'reej i nyúucarij ti a'yan tyi'ja'yájna, ²⁶tí'íj huatá'íriitarej maj iiráciinyej jo'tij tyiyáaru' hueje'tyáanaj, jo'tij a'íin a'yan tyiyá'xie'va'ca'aj maj ja'rá'astijre'en.

Je'ej maj tyityetyuucha'íj muá'ju'un i tyeétyee tí'íj néijmi'i tye'entyipuá'ríj

3 ¹A'yaa pu ajta tyúuxie've' paj jamua'reeraj ti a'yan tye'mej tí'íj néijmi'i tye'entyipuá'risime'en ti jéehua je'ej pua'aj tyi'éenye'ej ta'mej. ²Capu hua' jitze juxié'va'aj ta'mej je'ej ti tyihua'á'uurej i séecan, majta jéehua jaxie'va'aj muá'ju'un i túmii, majta jéehua óotzaahuatye'en, majta huot'yáxaahuataj i juxa'aj tyeétyee. Je'ej mu pua'aj tya'xáataj muá'ju'un i Dios, majta quee huá'tzaahuatya'aj muá'ju'un i juhuásimua', camu tyámua' tyihuotá'sij a'íimaj i maj tyi'tíj jin huot'yáhuíi, majta quee tzáahuatyi'ra'aj tyicha'íj muá'ju'un i maj jitzán tyá'tzaahuatye'. ³Camu hua'xie've'ej muá'ju'un i tyeétyee, camu majta hua'cu'váaj muá'ju'un, sulu jéehua mu je'ej pua'aj tyuuxáataj muá'ju'un, majta a'yan rinyij je'ej ti tyihua'ránajchi, mejcha'íirria'aj mu muá'ju'un néijmi'i i ti xá'puí' een. ⁴Aviítzij mu jin tyu'tátuui're'sij i juxa'aj tyévij majta quee oocu'váaj muá'ju'un, jéehua mu ootzáahuatye'ej muá'ju'un, a'íjna jime' ti a'yan tyihua'miteeraste' maj jéehua juxie've', majta a'íj huonyij maj a'yan huárinyij je'ej ti tyihua'ránajchi, camu jaxie'va'aj muá'ju'un maj jáahuonyij i Dios. ⁵A'yaa mu tyuuséerataj muá'ju'un i tyeétyee jimi, tí'íj i maj já'astijre' i Dios, ajta camu a'yan ricij je'ej maj tyí'xaj.

Capáj huá'jaahuatye'ej a'íjma i tyeétyee maj a'yan ricij. ⁶Ji'nye a'íjma mu jitze ajtyáma'can i maj hue'tzij jin utyáru'pij u hua' chi'táj i tyeétyee, majta huá'cuanamuaj a'íjma i úucaá i maj quee tyé'viicue' i jutzájta', i maj juxaamuíjritye' a'íjna jime' i maj ootyá'ítzee i Dios jimi, majta jéehua tyi'íjxána'cira' a'íjna jime' maj a'yan ricij je'ej ti tyi'tíj tyihua'ránajchi, ⁷a'náj tina'aj mu huá'namuaj i maj tyihua'mua'tyej, ajta camu a'náj yo'itéej muá'ju'un i nyúucarij ti a'yan tyi'ja'yájna. ⁸Ajta a'íimaj i tyétyacaa Janes ajta i Jambrés a'íi mu a'yan cha'taj mana'aj tyé'ejcha'íirria'ca'aj i Moisés, a'yaa mu majta tyéjcha'íire' i nyúucarij ti a'yan tyi'ja'yájna. A'íi mu pué'een i maj je'ej pua'aj

metyityoomuámua're', majta quee tzáahuatyira'aj jin tyá'tzaahuatye'.
 9Camu che' á'tyeeren i maj a'yan ricij, jil'nye néijmi'i mu jamua'reeren
 tiquee tyi'táj huiire' je'ej maj tyí'xaj, a'yájna ti'ij tyihuó'ruuj a'íimaj i
 maj hua'puaj i maj jájcha'íiria'ca'aj i Moisés.

Pablo pu tyé'ixaatye' i Timoteo

10Pajta muáaj a'yaa paj tyámua' naa tyu'mé'en je'ej nyaj
 tyimuaamuá'tyej, je'ej nyaj éenye'que' jo'cha'can, je'ej nyaj
 tyí'muijhuacaa, je'ej nyaj tyá'tzaahuatye', nyajta tyé'viicue' tyámua'
 naa i nyaj jin jajpuéjtzij, 11muáaj paj jamua'reej maj je'ej pua'aj
 náaruj, nyajta jéehua jajpuéetzij, a'yájna mati'ij náaruj a'ájna a
 Antoquía, majta a'ájna a Iconio, majta a'ájna a Listra. Jéehua nu
 jaapuéjtzitariaca'. Ajta nyavástará' pu néijmi'i jin naatáhuui. 12A'yaa
 pu tyi'ja'yájna tijin a'táj ti na'aj ti tyí'tyese' ti ja'rá'astijre'en i Ciriistu'
 ti ajta Jesús pué'een, jéehua pu jajpuéetzij ja'mej, 13ajta a'íimaj i maj
 je'ej pua'aj tyityetyúucha'ij majta i maj huá'cuanamuaj i tyeítýee,
 móoche' mu jéetze' je'ej pua'aj rinyij i jutzájta', séecan mu i tyeítýee
 huá'cuanamuan, majta jujíimua'aj tyo'tyóohue'tze'sij.

14Pajta muáaj, a'yaa paj pooj tyá'tzaahuatye'ej je'ej paj tyaari'rej,
 pajta a'yan tyá'mua'reerej ti a'yan tyi'ja'yájna. Pajta jamua'reej a'tyán
 maj a'yan tyimuamuá'tyej. 15Ootámua'reej pati'ij pa'ri'istaca'aj,
 tyámua' paj tyá'mua'reej je'ej ti tyé'yu'si' i yu'xarij jitze Dios
 ti janyuucaa, a'íi pu a'íin pué'een i nyúucarij ti muaatá'sij paj
 tyámua' metyóomua'riaj, ajta ti'ij muáahuire'en a'ájna jime' paj
 tyá'tzaahuatye' i Ciriistu' jimi ti ajta Jesús pué'een. 16Néijmi'i i ti
 tyé'yu'si' i yu'xarij jitze, Dios jimi pu já'ma'can, ajta a'yan tyí'huire'
 mej mij a'áj hu'o'mua'tyej majta a'ájna jin tyámua' huó'uurej i tyeítýee,
 mej mij a'ájna jitze huo'té'ixaatye'en i maj jin ootyá'ítzee i Dios jimi,
 ajta mej mij ji'réenya'aj muá'ra'nyij i jutzájta', 17ta'aj ij a'ájna i tyáati' i
 ti Dios jitze ajtyáma'can tyámua' eenye'en ti'ij a'yan huá'rinij néijmi'i
 jime' je'ej ti tyí'xa'pui'.


4 1I Dios jitze ma'can, ajta i Ciriistu' ti Jesús pué'een, ti a'yan
 uvé'nyesij ti'ij tyu'ta'íjtaj a'íijma jimi i maj a'yan huacháatimee i
 cháanacaj japua, ajta a'íijma jimi i maj meríj huácuij, a'yaa nu jéehua
 tyí'mua'ijcatye' 2paj huó'ixaatye'en i nyúucarij, pajta huo'táhuavij
 mej mij tyámua' tyáanamuj, tipua'aj a'yan metya'xie've'ej, na'riij
 mequee. Pata'aj huo'tyámue'tij, pajta huo'tá'ijmuj mej mij quee
 je'ej pua'aj rijcaj, ca'nyíjra'aj paj huo'tá'an, pajta xájtari' naa
 tyihuó'mua'tyej. 3Ji'nye a'náj pu atyojo're'nyesij mati'ij i tyeítýee
 quee che' janamuáaracuj muá'ju'un i maj xá'pui' tyihuá'mua'tyej,
 sulu a'yaa mu mui'caa tyu'tájeevij i maj tyihuá'mua'tyej, mej mij
 a'ájna huó'ixaatye'en je'ej maj tyi'táj tyí'namuajracuj. 4A'íi mu
 jaatyáxaahuataj i ti a'yan tyi'ja'yájna, majta a'ájna ántzaahuatye'sij i

nyúucarij tiquee tyi'tíj je'ej tyí'xaj. ⁵Pajta muáaj tyámua' paj eenye', pata'aj tyo'táviicue' i paj jin jajuéjtzij, pajta pooj huá'ixaatya'aj i nyúucaria'ra' i Dios, tyámua' paj naa tyu'muárie'en a'íjci jime' i paj jin tyí'huiire' i Dios jimi.

⁶Pu'ríj nye jimi a'yan tye'mej nyej nyij a'yan tyu'tyáhuire'en ti'ij mu'vejrij, ajta arí atyojo're'nyesij a'náj nyaj mui'nyij. ⁷Jéehua nu nyeríj tyámua' tyu'tyéenyosej nyej nyij a'yan huárinyij je'ej ti tyí'xa'pui' i Dios jimi, a'íj nu jin nyeríj ja'antyci'íj i nyaj jin antýnyamua'ree, nyajta néijmi'i jin ja'rá'astijrej i nyavástara'. ⁸A'íj nu'uj nyij tyicho've' i cúruun i nyaj jaamué'tij a'íin ti naatí'tye'sij i nyavástara', ti tajtúhuan jin tyi'tyéjvee, a'ájna xicáara' ti jitzán a'yan tyaaxá'pui'íntarej nye jimi. Ajta capu nyéetzij na'aj naatí'tye'sij i cúruun, sulu néijmi'caa i maj a'yan tye'ejchó've' ti a'íin uvé'nyej huápui'íj naa huasé'rihua'aj.

Pablo pu tyámua' naa tyé'ixaatye' je'ej ti ye'ej huárinyij i Timoteo

⁹Pata'aj huatá'ca'nyej paj ca'nácan yanatyéesej, ¹⁰ji'nye i Demas, a'íj pu jéetze' tya'ránajchaca' íyan ti tyí'sejre' i cháanacaj japua, a'íj pu jin manúuriej ti'ij ij a'áa jo'mej a Tesalónica. Ajta i Crescente a'áa pu jó'raa a Galacia, ajta i Tito a'ájna a Dalmacia. ¹¹A'íi pu'quij i Lucas nyaj jamuán yahuatyá'itzee. Pata'aj jáahuoonyij i Marcos pajta muya'rávi'tij ajamuán, ji'nye a'íi pu jéehua naatáhuui i nyaj jin tyí'muarie'. ¹²Nyajta a'íjci i Tíquico nyaata'ítyaca' a'ájna a Éfeso. ¹³Pati'íj mu ja'rájra'nyij mu paj nyaja'rachuítye'en i nyamáancaj



© 1996 David C. Cook

2 Timoteo 4:13

i nyaj a'áa yoohuá'xij a Troas, a'ájna a Carpo ti ja'chej, pajta mu tyinyaja'rápijtye'en i yu'xarij, pajtáhua'aj i séecan i yu'xarij ti tyí'jiri' nyéetzij ti tyí'nya'a'rij.

¹⁴Ajta a'ájna i Alejandro tyapúusti'ij ti tyí'ta'huacaa, jéehua pu je'ej pua'aj náaruj, i tavástara' pu a'yan tyá'najchitye'en je'ej ti tyi'táj huáruuj. ¹⁵Tyámua' paj tyi'huá'cha'iin a'ájci jimi, ji'nye jéehua pu jájcha'iire' i nyúucarij i tyaj huá'ixaatye' i tyeítýee.

¹⁶Nyati'ij anaquéej nyaj japua huatanyúj a'íjma jimi i maj tyityatatyíj, capu a'táj naatáhuui, néijmi'i mu manúurie. A'yaa nu tye'ejchó've' ti i Dios quee puéjtzij hua'tá'care'en a'ájci jime' je'ej maj huaríj. ¹⁷Ajta i nyavástara' pu naatáhuui ajta ca'nyíjra'aj naatá', a'íj nu jin huo'té'exaatye'ej i tyeítýee i nyúucaria'ra' i tavástara', mej mij néijmi'i jáanamuaaj a'íimaj i maj quee Israel jitze ajtyáma'can. A'yaa pu a'ájna jin i nyavástara' tyini'i'rájtoo ti'ij quee tyi'táj je'ej nyoorej, ¹⁸ajta ooj a'yan tyi'nyahuíre'ej ta'mej néijmi'i jime', ajta ná'vi'tin u jútye' jo'tij a'íin tyejé'ijtaj. Tyiche' a'náj tina'aj tyé'tyojtzi're'ej. Che' a'yan tyá'ra'nyij.

I ti jin ja'antýipúa'rij

¹⁹Pata'aj nyaj jime' huo'tatyójtýej a'ájci i Prisca, pajta i Aquila, pajta néijmi'caa i Onesíforo maj jamuán aja'chej. ²⁰Ajta i Erasto a'áa pu jo'tyá'itzee a Corinto, nyajta i Trófimo a'áa nu yo'tyájttoo tyi'cuí'can a'ájna chájta' Mileto. ²¹Pata'aj huatá'ca'nyej paj yatanyéj ti'ij quee eexúj huáseevi'ij. A'íi mu yámuatýojtye' i Eubulo, ajta i Pudente, ajta a'ájna i Lino, ajta i Claudia, majta néijmi'i i ta'ihuáamua' maj tyá'tzaahuatye'.

²²Che' i tavástara' muéetzij jimi huatyá'itzeere'en, ajta i Dios jéehua tyámua' tyajamuaatá'an néijmi'caa mua'ajmaj.